



Communicaziun a las medias

Da cruschs e cots – 500 onns reformaziun

Cuir, ils 17-10-2017 – **L'october dal 1517 ha cun las 95 tesas da Martin Luther cumenzà in temp da transfurmaziun. Tge consequenzas ha la reformaziun gi per il Grischun e daco ha ella gi success en tschertas vischnancas? Respostas dat l'emna tematica «Da crusch e cots – 500 onns reformaziun» dals 22 fin ils 29 d'october 2017 sin tut ils vecturs da Radiotelevision Svizra Rumantscha (RTR).**

La reformaziun, Luther, Zwingli u Calvin è actualmain tema en publicaziuns e contribuziuns naziunalas ed internaziunalas. En l'emna tematica sa concentrescha RTR sin la situaziun, l'istorgia e las consequenzas en il Grischun. Daco ha la reformaziun gi success en tschertas vischnancas e regiuns entant che autras è restadas fidelas a la cretta veglia? Co hai pudì capitar ch'il Grischun sa separa per passa 400 onns en dus munds, en «in da messa» ed «in da predi»? Durant quest'emna s'occupescha RTR era cun l'influenza directa da la reformaziun per exempel sin la produziun litterara, la naschientscha dal pled scrit rumantsch e la scena d'art. Punct principal da l'emna tematica dals 22 fin ils 29 d'october 2017 sin RTR èn ils films animads che vegnan emess mintgamai en l'emissiu Telesguard.

Survista dal program emna tematica: «Da crusch e cots – 500 onns reformaziun»

Telesguard:

23 – 27 d'october, 17:40, SRF1: tschintg films animads cun schabetgs e legendas davart la reformaziun en il Grischun

Radio Rumantsch:

23 – 27 d'october, 11:00 – 12:00: actualitad: ura tematica deditgada a la reformaziun
22 d'october, 19:00: la classica: cumponists dal temp da la reformaziun
28 d'october, 11:00: magazin da cultura: La reformaziun ed ils maletgs

In dossier cun las istorgias da la reformaziun è da chattar sin rtr.ch.

Maletgs

Jon Bischoff

Dapli infurmaziun

Radiotelevision Svizra Rumantscha, Via da Masans 2, 7000 Cuir
Diana Jörg, tel. 081 255 76 29, diana.joerg@rtr.ch